

(Буни ўқигач, “шўргинанг курсин, мўйлов!” деб юбормасангиз бас.)

Мусича чумчукнинг инида тунаб колган куни “Мўйловчиликни ўрганиш билмий-текширмаслик институти”да Маънижон Хузуралиев “Йигирманчи асрнинг олтмишинчи йилларида мўйловчилик харакати” деган мавзуда чаланомзодлик диссертациясини ўрнига кўйди. Бу маросимда мехмон сифатида иштирок этсамда, “ўрганган кўнгил ўртанса кўймас”, деганларидек, коғоз-каламни кўлга олиб, мухоамада кимматли фикр ва мулохазаларини билдирган атокли мўйловшунос олимларнинг сўзларини ёзиб кўйибман. Ёзилган нарса ташлаб юборилса увол бўлар, деб сизга илиндим. Истасангиз, ўқинг, истамасангиз – йўк. Хохласангиз, бу гапларга ишонинг, хохламасангиз – йўк. Сизга ёлгон, менга ҳам чин бўлмаган ўша мухоамада биринчи гапни мўйловчилик фанлари дўктўри Шопазим Соколиев бошлаб бердилар. Сўзларининг баёни будир:

-Азиз ўртоқлар, Маънижоннинг диссертацияси менда улуг таассурот уйготди. Шу пайтгача, ўртоқлар, олтмишинчи йиллар мўйловчилиги хақида илмий иш олиб борилмаган эди. Мен Маънижоннинг ушбу иши тўла маънода кандидат деган унвонни беришга лойик деб топаман. Лекин укамиз Маънижон йўл кўйган айрим жузъий камчиликлар хақида ҳам тўхталиб ўтишим лозим. Ўйлайман-ки, Маънижон бу камчиликларга дўктўрлик ишини ёзиш пайтида ахамият беради. Хў-ўш... Маънижон бизга мўйловчилик хақида гапира туриб, асосан мўйловнинг икки тури, яъниким, биринчи – “Калдиргоч мўйлов” ва иккинчи – “Шоп мўйлов” хақида тўхталади. Хўш, бизда мўйловнинг факат икки тури мавжудми? Йўк, ўртоқлар, аксинча жуда кўп. Мисол учун олайлик – “киличсимон мўйлов”. Бу мўйлов қадим юнон манбаларида “киличсимус мўйловсимус” шаклида учрашига диккатингизни тортаман. Хўш, шоп мўйловнинг киличсимус мўйловсимусдан нимаси ортик? Аксинча, килич мўйлов ҳам шоп мўйлов каби кишига хусн бериб туради. Яъниким, юнонча айтилганда: кишимус хуснимус. Бу ўринда Маънижон яна бир нарсага эътибор бермаганлар. Яъниким, хў-ўш... мўйлов ранглари олайлик. Диссертант асосан қора мўйловлар хақида фикр юритади. Хўш, малла, яъни маллиус мўйловлар, сап-сарик, яъни сапиус сарикус мўйловлар, ок оралаган, яъни мошгуручиус мўйловлар қаерда қолди? Сўзимнинг охирида мен яна бир нарсага тўхталмоқчиман: яъниким, хў-ўш... Маънижон “мўйловчилик” сўзини кўп қайтарганлар. Бу жуда кўпол ва гализ, энг мухими антиилмий сўз, ўртоқлар. Атама илмий бўлиши, жахон стандартларига жавоб бериши шарт. Яъниким, диссертант “мўйловчилик” эмас, “мўйловизм” дейишлари жоиз эди. Навбат мўйловчилик фанлари дўктўри, билмий-текширмаслик институти “Мўйлов намояндлари” бўлими мудирини Осимали Каригановга берилганда ул зот жумладан шундай дедилар:

-Ўртоқлар, ҳаммамиз учун устоз саналган кадрли Шопазим Соколиевнинг сўзларига юз фоиз кўшилган холда “Маънижон агар тўғридан тўғри “Мўйловизм ва соқолизм” деяверганларида хато қилмаган бўлар эдилар”, деган фикрни ўртага ташламоқчиман. Айни чоқда бу атама қадим Рим империяси даврида “Мўйловетти ва соқоветти” тарзида қўлланганини эслатиб ўтаман. Кейинги давр арман манбаларида “Мўйловян ва соқолян”, грузин манбаларида “Мўйловидзе ва соқолашвили” тарзида учраши диккатимиздан четда

колмаслиги керак. Диссертацияга нисбатан менинг асосий притензиям куйидагича: Маънижон асосан шоп мўйлов ва унинг олтмишинчи йиллардаги намояндалари хакида гапиради. Менинг фикримча, у шоп мўйлов хакида кўпрок адабиётлар бўлгани учун шундай килган. Холбуки, калдиргоч мўйлов хакида ҳам кўпрок тўхталиши шарт эди. Чунки калдиргоч мўйловизм харакатини баралла туриб “йигирманчи асрнинг шох асари” дейишимиз мумкин. Олтмишинчи йилларда мўйловчиликнинг асосини именно ана шу калдиргоч мўйлов ташкил килган. Масаланинг сиёсий томонига карасак, мустабид тузум йилларида “буруннинг хуснини бузади”, деган бахоналар билан сикувга олинди ва бу мўйловнинг гуркираб яшнашига йўл берилмади. Бу йиллар мўйловизми намояндалари хакида ҳам жиддий притензияларим бор, ўртоқлар. Диссертант бу йилларни асосан карияларга боглаб ўрганган. Бу нотўгри йўл фанни антимўйловизмга буриб юбориши мумкин. Масалан, Францияда Одам Атодан олдинги саккизинчи асрда шундай хол кузатилган. Мен аник ишонч билан таъкид эта оламанки, олтмишинчи йиллар мўйловизмини асосан ёшлар ташкил этган эди. Шу ўринда ёшлар мўйловизмини уч кисмга бўлиб ўрганиш керак. Биринчи: тўлик калдиргоч мўйловизмчилик; иккинчи: сабза урган калдиргоч мўйловизмчилик; учинчи: яккам-дуккам калдиргоч мўйловизмчилик. Ўртоқлар, мен диссертантни сиёсий хатода ёки сиёсий саводсизликда айбламокчи эмасман. Аммо унинг хатоларидан кўз ҳам юма олмайман. Диссертациядан нохаклик хиди уфуриб турганини барча сезса керак, деб ўйлайман. Хеч биримизга сир эмаски, айрим хотинларда ҳам мўйлов учраб туради. Кадимги Испан кироллигида бу фактдан кўз юмиб келинган. Мўйловли хотинлар тахкирланган. Хўш, мустабид замонлар ўтиб кетган хозирги озодлик кунларида, хотинларнинг мўйлов кўйишларига кенг йўл очиб берилганида, бу ҳақда ёзишга Маънижонга нима халакит берди? Албатта, ўша кадимги Испан кироллигининг бизгача етиб келган салбий таъсири! Гарчи, вакти бўлмаса-да, айтиш лозимки, ўртоқлар, мўйловли хотинларни ўзимиз билан бир сафга кўйиш вакти етди. Энди етар, кўп гапириш ўрнига кўпрок ишлайлик. Хар бир кунимизни мўйловли хотинларга кайгуриш билан бошлайлик. Мен институтимиз ташаббуси билан “Мўйловли хотинлар ассоциацияси”ни ташкил этишни таклиф киламан. Илмий ишлар билан гоят банд бўлишимга карамай, мазкур ташкилотга жамоатчилик асосида раис бўлишга розиман. Ассоциация ўз фаолиятини чойхоналарда “мўйловли хотинлар” бўлимини очишдан бошлайди.

Билмий-текширмаслик институти “Мўйловчиликни хаётга тадбик этилиши” бўлими мудирининг муовини Ўтбосар Бурунбоевга учинчи бўлиб сўз берилди. Муовиннинг сўзлари бир неча марта карсақлар билан бўлиниб турганини таъкид этган холда баённи бошлаймиз:

-Азиз ва мухтарам устозлар, мен диссертация хакида гапиришдан олдин кадрли устозимиз Осималижон акамизнинг таклифларини кўлламокчиман. Шундай ассоциация хозир бизга керакми? Керак! Минг марталаб керак! Чунки устозимизнинг оталари кўса бўлганлари билан мухтарам валидаи мухтарамаларида мўйлов бўлганини тарихий далиллар таъкидлайди. Яна тарихий далиллар шуни билдирадики, Момо Хавводан олдинги учинчи асрда яшаган айрим бувиларида ҳам мўйлов учраб турган.

Демокчиманки, бу анъана ўзининг тарихий илдизларига эга. Янги ассоциация раиси айнан шундай маънавий хукукка эга бўлиши адолат юзасидан гоят тўғридир. Агар ассоциацияга авлодида битта ҳам мўйловли хотин учрамайдиган одам раис бўлиб колса, ташкилотни расво килади. Энди диссертация хусусига келсак, азиз дўстимиз мисолларни чизмалар ёрдамида яхши тушунтирдилар. Лекин айтиш зарурки, чизмалар

хаёт билан узвий боғланмаган. Қўлда чизилган расм эмас, мўйлов эгаси бўлган шахсларнинг фотосуратлари кўрсатилганда яхшироқ бўларди. Диссертацияда мўйловчилик процесси ва ўсиш проценти ва диаграммаси тахминан айтилди. Холбуки сартарошхоналар билан алоқа боғлаб, мўйловкашларнинг сони аниқ даражада кўрсатилиши керак эди. Бу жузъий камчиликлардан ташқари диссертант “Киши салмоқдорлигини оширишда мўйловизмнинг роли”, “Мўйловизмнинг кенг тараккий этишида сартарошлар томонидан олиб борилиши лозим бўлган агитация ва пропаганда ишларининг ўрни”, “Мўйловизм ва соколизмнинг кардошлик алоқалари”, “Мўйловизм ва колониализм”, “Кўлтисоколнинг ўтмишда камситилиб, кириб ташлашга ҳукм қилиниши” каби масалаларга яхши эътибор бермаган. Шунингдек, бугунги кунда айрим аёлларнинг мўйловизм ва соколизмга қарши курашига жиддий зарба берилмаган. Хотини руҳсат бермагани туфайли сокол-мўйлов кўёлмай хорланишларининг олдини олиш йўллари илмий асосда кўрсатиб берилиши керак эди. Хотинларнинг “сокол ва мўйлов ўпишаётганда халакит беради”, деган даъволарининг пучлиги жонли мисоллар орқали рад этилиши шарт эди. Эрнинг сокол ва мўйловидан ҳузурланувчи аёлларга диссертацияда алоҳида боб ажратилиши негадир унутилган. Мўйловизм ва соколизмга аёлларнинг таъсирини четлаб ўтиш мутлако мумкин эмас. Кўлтисокол масаласидаги илмий тортишувларда аёлларнинг иштирокини хали унутганимиз йўқ. Айнан уларнинг ёрдами туфайли “кўлтисокол жуни” деб камситилишига чек қўйилиб, соколизм оиласининг тенг ҳуқуқли аъзоси сифатида “кўлтисокол” деб шарафланди. Энди кўкрак жуни масаласида ҳам аёлларнинг қўллаб-қувватлашига суянишимиз вақти етди ўртоклар. Кўкрак жуни шунчаки мўй эмас, соколизм оиласига мансуб эканини исбот эта олмас эканмиз, тарих бизни кечирмайди.

Диссертантнинг яна бир камчилиги: айрим хайвонларда учрайдиган мўйловларни мутлако эътибордан четда қолдирган. Мисол учун айтсак, эркак мушукдаги мўйловнинг ургочи мушукка таъсири ўрганилмаган. Мушуклар мов бўлган даврда эски маҳаллалар томида бир неча кун илмий изланиш олиб борилганида, бу камчиликка йўл қўйилмаган бўларди. Умуман мушуклардаги мўйловизм онгли равишда тараккий этадими ё онгсиз равишда, бу саволга ким жавоб бериши керак?

Илм ошқораликни яхши кўради, мен ҳам нуктаи назаримни яширмайман: шу ўринда устоз Осималижон акамизнинг бир фикрларига қўшила олмайман. У киши ўтган асрнинг олтмишинчи йилларида асосан қалдирғоч мўйловлар тараккий этди, дедилар. Ахир бу масалага бир томонлама ёндошиш эмасми? Хўш, номи хунук бўлса ҳам ўзи баъзи кишиларга чирой берувчи “кўнгиз мўйлов” тўғрисида нима учун гапирмаймиз? Шу масалада мен битта таклифни ўртага ташламоқчиман: кейинги йилларда кўнгиз мўйловизм ҳаракатининг анча сустрлашгани қайд этилмоқда. Шу муносабат билан институтимиз ташаббуси билан “Кўнгиз мўйловизмни асраш кўмитаси” тузишни таклиф этаман. Бунинг учун чет эллик мутахассисларини ҳам жалб этиш лозим бўлади. Балки институтимиз қошида германиялик мутахассислар билан биргаликда “Кўнгиз мўйлов” деган кўшма қорхона очиш мақсадга мувофиқ бўлар? Мен бир камтарин мўйловист олим сифатида бу чораларни зарурий деб ҳисоблайман.

Хотима ўрнида:

Маълумингиз бўлсинки, диссертация муҳокамасида айтилган барча фикрларни қозғашга туширишдай оғир иш йўқ. Мен айтилган фикрларнинг қаймоғинигина сизга етказишга ҳаракат қилдим. Мазкур муҳоқамада яна икки мўйловист фан дўктури, тўртта номзод,

яна бир канча аспирантлар сўзга чиқишди. Улар “Бурун оккан маҳалда мўйловнинг холати”, “Мўйлов ва зилзила”, “Камчаткада уйгонган вулкони Узбекистондаги мўйловизмга таъсири” каби муҳим масалаларда диссертантга маслаҳатлар бердилар. Шунингдек, мўйловчиликни ривожлантиришни кўзда тутувчи яна учта жамият, бешта ассоциация, ўн иккита кўмита тузишга келишиб олинди. Камина ҳам эътибордан четда қолгани йўқ. “Ўмгирда ҳўл бўлган мўйловни қуритиш принциплари” деб аталмиш кўмитага аъзо қилиб сайландимки, а, ҳа... ўзларингга ҳам муборак бўлсин, табриқларингизни бажонидил қабул этурман.